



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs LV. Exaudi Deus vocem meam.

**urn:nbn:de:hbz:466:1-44993**

## LIBER II.

Cum seruitutem mutet inuidam DEVS  
Gentis dicatq; iam sibi,  
Bonam Iacobus gaudat pius vicem,  
Lætus triumphet Israël.

## PSALMVS LIIII.

Deus in nomine tuo saluum me fac.

## VNICVM PRAESIDIVM DEVS.

1 Psalmus in Neghinoth, animaduersio David.  
2 Cum uenissent Ziphai, & dixissent Sauli, Nōne  
3 David addidit se nobiscum?

*Carmen Tricolon Tetraastrophen.*

3 Iste salutem nomine mī DEVS  
4 Ferto, tui meque asserere numinis  
5 Virtute; PRINCEPS, audi & aures  
6 Dicta meo repetita ab ore.

7 Instant minantes extera pars mihi,  
8 Viam meamque heu terribiles petunt;  
9 Nec usque curauit nocens hæc  
10 Turba DEVM arbitrio potentem.

11 Ast ecce mī sit subsidium DEVS,  
12 Præsens amicis est DOMINVS meæ  
13 Vitæ, patronos quos periculis  
14 Cura mouet mediis tuendæ.

15 Lethale cunctos excipiet malum,  
16 Ponunt latesteis qui insidias mīhi;  
17 Scissosque constrictosque in arcum  
18 Nempe fides tua certa reddet.

19 Tunc sponte ad aras sacra feram, tuum  
20 Vt nomen IAS concelebrem bonum;  
21 Liber periculis, & quid hostes  
22 Manserit, hic oculus vibebit.

## PSALMVS LV.

Exaudi Deus vocem meam.

## PROBITATIS EXERCITATIO.

1 Ad præstantem in Neginoth. Animaduersio David.

*Ode eadem.*

2 A Vrem precanti mī DEVS admoue,  
3 Vultum tuō nec contege supplici;  
4 Sentire, respondens, proba te,  
5 Murmure quæ mediator dolentis.

6 Clamote

- 4 Clamore duro, heu, comprimor hostium,  
Quos ardor in me præcipites agit;  
Cæcoque dementem furore  
Prouocat in mea damna turbam.
- 5 Cor mi in reducto pectore condolet,  
Præsentem mortis mens trepidat metus:
- 6 Terror, pauores meque totis  
Artibus heu tremor asper angit.
- 7 Votis precari sic soleo, en erit  
Instar columbæ vt præpetibus volens  
Pennis, & optatas quietus  
Ipse queam tenuisse sedes?
- 8 Migrans remotos en peterem celer  
Tractus, & vsque in solitragis manens;
- 9 Ventique vt impulsi præcellis,  
Ipse meam fugerem in salutem:
- 10 Absume, sorbè mi Domine hos citò,  
Illisque linguas diuide dissonas:  
Iniusta nil ipse vrbe præter  
Damna, malas video atque rixas.
- 11 Noctu diuque haud mœnibus illius  
Vsqum quietus feruor obambulat;  
Vesana nec cessans libido  
Occupat hanc penitusque turbat.
- 12 Artes retortæ, vafraque prauitas  
Totam pererrat, nec dolus improbus,  
Nec fraus recedit seua plenis,  
Quas temerans celebrat, plateis.
- 13 Non hostis argens me cruciat malis  
Probris, tulisse hunc nam valeam grauem;  
Non inuidentis vexor amplis  
Viribus; hunc potero & latere.
- 14 Mortalis at tu, qui ordinis es mei,  
Tu mi magister, tu mihi cognitus;
- 15 Conferre cui verbum tacendum  
Dulce fuit: pariter sumusque  
Versati in alti PRINCIPIS ædibus;
- 16 Hos damnet vltix mors cita noxiæ,  
Viuosque deturbet sepulchrum  
Cum domibus sociisque culpæ.
- 17 Ipse inuocabo (sic solitus) DEVM,  
IAS salutem constituet mihi;

- 18 Occasu & Ortu, æstuque vocem hanc  
Audiet, eloquiumque triste.
- 19 Vitam redemptorque incolumem meam  
Reddet parato iam mihi prælio,  
Cum turba me magna invidentum  
Dispositis peteret cateruis.
- 20 Antiquus vsque est cui thronus, audiet,  
FORTI Sque pressos fregerit hos citò,  
Quos nec vices nec sors refringit,  
Quique DEVM timuere numquam.
- 21 Imò sacrati fœderis immemor  
Certos amicos quisque petit manu;  
22 Os lubricante lacte fingunt;  
Corda mouent inimica pugnam.  
Vnguenta verbis vincere lenibus  
Possunt, acuti hæc sunt gladij tamens;
- 23 IAE sed imponas onus si  
Ipse tuum, reget ille dux te:  
Is, ne labanti consilio ruat,  
Iustum perenni tempore continet.
- 24 Illos DEVS tu das in alti  
Præcipites puteum pericli:  
Quoscunque sanguis frausque facit viros,  
Hi non dies vel dimidiant suos;  
Ast ipse fidens totus isto  
Integer auxilio manebo.

## PSALMVS LVI.

Miserere mei Deus, quoniam concul-  
cavit me homo.

DIVINAE TVTELAE  
CONSTANTIA.

- 1 Ad præstantem super columbam mutam remoro-  
rum. Davidis Michthan, cum deprehenderent  
eum Philisthim in Gath.

*Carmen Tricolon Tetrastrophon.*

- 3 Clemens misertus me DEVS eripe:  
Mortalis in me proruit, atque hiat  
Me qui preinendo semper ambit  
Belliger atque agitans perurget.

3 O SYM-